

唐
音
統
籤

戊籤七十三陸龜蒙之二

唐音統籤卷

六百九十三

五言古詩二

讀襄陽耆舊傳因作詩五百言寄皮襲美

漢臯古來雄山水天下秀高當軫翼分化作英髦
圓暴秦之前人灰滅不可究自從宋生賢特立冠
耆舊離騷旣日月九辯卽列宿卓哉悲秋辭合在
風雅右龐公樂幽隱辟聘無所就祇愛鹿門泉冷
冷倚巖湫孔明卧龍者潛伏躬耕讐忽遭玄德雲
遂起鱗角鬪三胡節皆峻二習名亦茂其餘文武
家相望如斥堠緬思齊梁降寂寞寡清貞凝融爲

月言集
漪瀾復結作瑩琇不知粹和氣有得方大受將生
皮夫子上帝可其奏并包數公才用以殿厥後嘗
聞兒童歲嬉戲陳俎豆積漸闡詞源一派分萬溜
先崇丘旦室大懼隳結構次補荀孟垣所貴亡罅
漏仰瞻三皇道熾氣在宇宙垂視五霸圖殷掌弄
孩幼或能醢醢或與翼鯢或喜掉直舌或樂
斬邪脰或擗鉏耨蒼蒼或整理錯謬或如百千騎合
脊原野狩又如曉江平風歔波不皺幽埋力須掘
遺落費必購乃于文學中十倍猗頓富囊乏向咸
鎬馬重遲步驟專場射策時縛虎當羿穀歸來把

通籍且作高堂壽未足逞戈矛誰云被文繡從知
偶東下帆影拂吳岫物象悉摧藏精靈畏雕鏤伊
余抱沈疾顛顛守圭竇方推洪範疇更念大玄首
去聲陳詩採風俗學古窮篆籀朝朝貰薪米往往逢
責詬既被隣里輕亦爲妻子陋持冠適甌越敢怨
不得售窘若曬沙魚悲如哭霜狖唯君枉車轍以
逐海上臭披襟兩相對半夜忽白晝執熱濯清風
忘憂飲醇酎驅爲文翰侶驚卑叅驥腕有時諧官
商自喜真邂逅道孤情易苦語直詩還瘦藻匠如
見酬終身致懷袖

襲美先輩以龜蒙所獻五百言既蒙見和復
示榮唱至于千字提獎之重茂有稱實再抒
鄙懷用伸酬謝

洪範分九疇轉成天下規河圖孕八卦煥作玄中
奇先開否臧源次築經緯基粵若魯聖出正當周
德衰越疆必載質歷國將扶危諸侯恣崛強王室
方陵遲歌鳳時不偶獲麟心益悲始嗟吾道窮竟
使空言垂首贊五十易又刪三百詩遂令篇籍光
可並日月姿向非筆削功未必無瑕疵迨至夫子
沒微言散如枝

一作披

所宗既不同所得亦異宜名

法在深刻虛玄致希夷自從戰伐來一派縱橫馳
寒谷生艷木沸潭結流澌驚奔失壯士好惡隨纖
兒嬴氏并六合勢尊丞相斯加干挾書律盡取坑
焚之南勒會稽頌北恢胡亥既猶懷徧巡狩不暇
親維持及漢文景後鴻生方鋹規

出三都賦

鋹揚堯舜

風反作三代吹飄飄四百載左右爲籓籬鄴下曹

父子獵賢甚熊熊發論若霞駁

魏文帝典論有論文篇

裁詩

如錦摛徐王應劉輩頭角咸相衰或有妙絕賞或
爲獨步推或許潤色美或嫌詆訶癡條以中利病
且非混醇醪雅當乎魏文麗矣哉陳思不肯少選

忘恐貽後世嗤吾祖仗才力

士衡文賦

章車蒙虎皮手

持一白旄直向文場麾輕

去聲

若曉鉞欽谿如抽戩

矍精鋼不足利驥裏何勞追大可罩山岳微堪析

毫釐十體免負資百家咸起痿爭入鬼神與不容

天地私一篇趙華藻萬古無孑遺刻鵠尚未已雕

龍奮而爲

劉勰有文心雕龍

劉生吐英辯上下窮高卑下

臻宋與齊上指軒從義豈但標八索殆將包兩儀

人謠洞野老騷怨明湘纍立本以致詰驅宏來抵

巖清如朔雪嚴緩若春煙靡或欲開戶牖或將飾

纓綏雖非倚天劒亦是囊中錐皆由內史意致得

東莞詞梁元盡索虜後主終亡隋哀音但浮脆豈
望分雄雌吾唐揖讓初陞列森各夔作頌媿吉甫
直言過祖伊明皇踐中日墨客肩參差岳淨秀擢
削海寒光陸離皆能取穴鳳盡擬乘雲螭邇來二
十祀俊造相迫隨余生落其下亦值文明時少小
不好弄逡巡奉弓箕雖然苦貧賤未肯親嚅唼秋
倚抱風桂曉烹承露葵窮年只敗菰積日無晨炊
遠訪賣藥客閒尋捕魚師歸來蠹編上得以含情
窺抗韻吟比雅覃思念規攤因知昭明前剖石呈
清琪又嗟昭明後敗葉埋芳蕤續有月旦評未能

天下知徒爲強貌豹不免參狐狸誰塞行地足誰
抽刺天髻誰作河畔草誰爲洞中芝誰若靈囿鹿
誰猶清廟犧誰輕如舉毛誰密如凝脂誰比蜀嚴
靜誰方巴寶貲誰能釣朴鼈誰能灼神龜誰背如
水火誰同若填麓誰可作梁棟誰敢驅谷蠡用此
常不快無人動交鉞空消病裏骨枉白愁中髭鹿
門先生才大小無不怡就彼六藉內說詩直解頤
顧我迷未遠開懷潰其疑初開鑿本源漸乃疏旁
支遂古派泛濫呈朝光赫曦揣摩是非際一一如
襟期李杜氣不易孟陳節難移信知君子言可並

神明著枯腐尚求律膏肓猶謁醫況將太牢味見
啗逋懸饑今來置家地正枕吳江涖餌薄鈎不曲
蹇然守空坻嘿坐無影響唯君款茅茨抽書亂籤
帙酌茗煩甌犧或伴補缺砌或偕詣荒祠孤筇倚
煙蔓細木橫風漪觸雨妨屣屨臨流泥江蘼旣狎
野人調甘爲豪士誓不敢負建鼓唯憂掉降旗希
君念餘勇挽袖登文碑

奉酬襲美先輩初夏見寄次韻

積雨晦臯圃門前煙水平蘋蘩增遙吹枕席分餘
清村旆詫酒美賒來滿經程一作未必減宣子何

羨謝公榮借宅去人遠敗牆連古城愁鴟占枯枿
野鼠趨前楹昨日雲破損晚林先覺晴幽篁倚微
照碧粉含疎莖蠹簡有遺字澆琴無泛聲蠶寒繭
尚薄鷺喜雛新成覽物正搔思得君初夏行誠明
復散誕化匠安能爭海浪刷三島天風吹六英洪
崖領玉節坐使虛音生吾祖傲洛客因言幾爲僮
未裔寶漁者敢懷干墨卿唯思釣璜老遂得持竿
情何須乞鵝炙豈在斟羊羹畦蔬與甕醪便可相
攜迎蟠木几甚曲笏皮冠且輕閒心放羈勒醉廊
從欽傾一盃有餘遠一窗有餘明秦皇苦不達天

下何足并

和龔美初夏遊楞伽精舍次韻

吳都涵江洲碧液浸郡郭微雨蕩春醉上下一清
廓竒蹤欲探討靈物先瘳瘼飄然蘭葉舟旋倚煙
霞泊吟譚亂篙艣夢寐雜巘嶸纖情不可逃洪筆
難暫閣豈知楞伽會舍一作乃在山水窟金仙著書

日世界名極樂薝蔔冠諸香琉璃代華聖禽言經
不輟象口川寧涸萬善峻爲城巉巉扞羣惡清晨
欲登造安得無自愕險穴駭坤牢高蘿挂天索池
容澹相向蛟怪如可摸苔蔽石髓根蒲差水心鐸

嵐侵苔摩髻日照後覩絡仰首乍眩旋迴眸更輝

耀簷端凝

去聲

飛羽磴外浮碧落迢迢解風襟臨幽

濯雲屬塵機性非便靜境心所自取海鷗知何

煩尸祝醉峯圍震澤岸翠浪舞綃幕漱澗豈堯遭

岷嶮非禹鑿潛聽鐘梵處別有松桂窅需重燈不

光泉寒網猶薄僮能躡孤刹鳥慣親從鐸服道身

可遺乞閑心已諾人間亦何事萬態相毒蠱戰壘

競高深儒衣謾褻博宜尼名位達未必春秋作管

氏包霸圖須人解其縛伊余採樵者蓬藿方索漠

近得風雅情聊將聖賢度多君富適采識度雨清

恪詎寵生滅詞肯教夷夏錯未爲堯舜用且向
霞託我亦擺塵埃他年附鴻鶴

奉酬襲美先輩吳中苦雨一百韻

微生夢最靈天與意緒拙人皆機巧求百逕無一
達家爲唐臣來奕世唯稷卨只垂清白風凜凜自

貽厥

龜蒙五代祖六代祖皇朝繼在台輔

猶殘賜書在編簡苦斷絕

其間忠孝字萬古光不滅孱孫誠瞢昧有志常櫛
相敢云嗣良弓但欲終守節誼譁不入耳讒佞不
挂舌仰詠堯舜言俯遵周孔轍所貪旣仁義豈暇
理生活縱有舊田園拋來亦蕪沒因之成否塞十

載真契濶凍肝一礮禴饑腸少糠乾甘心付天壤

委分任題幹笠澤臥孤雲桐江釣明月盈筐盛茂

芟滿釜煮鱸鱖酒幟風外飭茶槍露中擷

江南詩
茶芽未

展者曰槍也歌謠非大雅摺據爲小說上可補董

莖傍堪毗牙葉

龜蒙嘗著
稗說三卷

方當賣罽罽盡以易紙

札蹤跡尚吳門夢魂先魏闕尋聞天子詔赫怒誅

叛率宵旰憫烝黎謨明問征伐王師雖繼下賊壘

未卽拔此時淮海波半是生人血霜戈驅少壯敗

庭

亦何爲春卿遂聊

技未有耻可刷却問漁樵津重耕煙雨墜諸侯急
兵食冗贖方翦截不可抱詞章巡門事干謁歸來
闔蓬健壁立空豎褐煖手抱孤煙披書向殘雪幽
憂和憤懣忽愁自驚蹶文兮乏寸毫武也無尺鐵
平生所韜蓄到死不開豁念此令人悲翕然生內
熱加之被黻瘵况復久熬熬既爲霜露侵一臥增
百疾筋骸將束縛腠理如箠撻初謂抵狂軀又疑
當毒蝎江南多事鬼巫覡連甌粵可口是妖訛恣
情專賞罰良醫只備位藥肆成虛設而我正菱痠
安能致訶咄椒蘭任芳苾精糲從羅列醴皁既屢

傾錢刀亦隨蕪兼之賣財賄不止行盜竊天地如
有知微妖豈逃殺其時心力憤益使氣息惛永夜
更呻吟空牀但皮骨君來贊賢牧野鶴聊簪笏謂
我同光塵心中有溟渤輪蹄相壓至問遺無虛月
首到春鴻濛猶殘病根茂看花雖眼暈見酒忘肺
渴隱几還自怡逢盧亦爭喝抽毫更唱和劍戟相
磨戛何大不包羅同微不挑剔今來值霖雨晝夜
無暫歇雜若碎淵淪高如破轆轤何勞蠹吼岸詎
要鵲鳴垤稭意江海翻更愁山岳裂初驚蚩尤陣
虎豹爭搏噬又疑伍胥濤蛟蜃相蹙拶千家濛瀑

縹忽似好披拂藓瓦垂玉繩如堪取繁結况余居
低下本是蛙蚓窟邇來蟬號呼得以恣唐突先夸
屋舍好又恃頭角凸厚地雖直方身能徧穿穴常
參莊辯裹亦造楊玄末偃仰縱無機形容且相忽
低頭增歎詫到口復嗚咽沮洳澆蒸毒蕒苔染巾
襪解衣換倉粟秕稗猶未脫饑鳥屢窺臨泥僮苦
春肺或聞秋稼穡太半沈澎汜耕父蠶齊民農夫
思旱魃吾觀天之意未必洪水割且要虐飛龍又
圖滋跛鼈三吳明太守左右皆儒哲有力即扶危
懷仁過救暘鹿門皮夫子氣節真俊逸截海上雲

鴈橫空下霜鵲文壇如命將可以持玉鉞不獨展
羲軒便當城老佛顧余爲山者所得纔簣振譬如
飾箭材尚欠鏃與筈閒將飲兒唱強倚帝子瑟幸
得遠瀟湘不然嗤賈屈開緘窺寶肆璣貝半比櫛
朗詠衝樂懸固匏響鏗謫古來愁霖賦不是不清
越非君頌挫才沴氣難摧折馳情扣虛寂力盡無
所擬不足譴徽音秘令淵鬢髮

和襲美公齋西詠次韻

小松

擢秀逋客巖遺根飛鳥遯因求飾清閤遂倚辭危

夏貞同柏有心立若珠無脛枝形短未怪嵐數差

難定

名山記云松有兩嵐三嵐七嵐者言如馬鬣形也言松者非

況密三天風

方遵四時柄那興培塿歎免荅鄰里病微霜靜可
分片月疎堪映苛當虎頭筆韻叶通明性會拂陽
鳥曾掄材膺帝命

小桂

飄賦輕八植擅名方一枝才高不滿意更自寒山
移宛宛別雲態蒼蒼出塵姿煙歸助華杪雪點迎
芳蕤青條坐可結白日如奔螭諒無劉翦憂即
是蕭森時洛浦雖有蔭騷人聊自娛終爲濟川楫

豈在論高卑

新竹

別塢破苔蘚嚴城樹軒楹恭聞稟璇璣化質離青

實

作璇璣玉精受氣于玄軒之宿

色可定雞頭實堪招鳳翎立窺

五嶺秀坐對三都屏曉月窈窕入曙煙霏微生昔

者尚借宅況來處寶庭金疊縱傾倒碧露還鮮醒

若非抱苦節何以偶惟馨徐觀穉龍出更賦錦苞

零

鶴屏

時人重花屏獨卽胎化狀叢毛練分彩疎節節相

望

八公相顧經云大毛落叢毛生其色如雪又云高脚疎節則多跛也

曾無麤毳態

頗得遊軒樣勢擬捨高尋身猶在函丈如憂雞鶩
鬪似憶煙霞向塵世任縱橫霜襟自開放空資明
遠思不待浮丘相何由振玉衣一舉棲瀛閬

卷終

戊籤七十三陸龜蒙之三

唐音統籤卷

六百九十四

五言古詩三

和皮襲美太湖詩二十首

初入太湖

東南具區雄天水合爲一高帆大弓滿羿射爭箭

疾時當暑雨後氣象仍鬱密乍如開雕簌

音奴聳龍也

翅忽飛出行將十洲近坐覺八極溢耳目駭鴻濛

精神寒估栗坑來斗呀豁涵處驚巖峯巖異

一作險若

拔龍湫喧如破蛟室斯須風妥帖若受命平秩微

茫識端倪遠嶠疑格

音

筆巉巉見銅關

湖中穹崇山有銅關

左右皆輔弼盤空儼相趨去勢猶橫逸嘗聞咸池

氣下注作清質至今涵赤霄尚且浴白日

太湖上
巢咸池

五車之氣故
一水五名也

又云構浮玉苑與崑閬匹肅爲靈官

家此事難致詰

太湖乃仙家
浮玉之北堂

纔迎沙嶼好情願俄

已失山川互蔽虧魚鳥空聲

語虎
反

恥

魚乙
反何當授

真檢得召天吳術一一問朝宗方應可譚悉

曉次神景宮

曉帆逗碕岸高步入神景灑灑襟袖清如臨藥珠

屏雖然群動息此地常寂靜翠緇有寒鐺碧花無

定影馮軒羽人傲夾戶天獸猛稽首朝元君褰衣

就虛省呀空雪牙利嗽水石齒冷香母未霑嬰芝
出不論頃遙通河漢口近撫松桂頂飯薦七白蔬
杯醺九光杏人開附塵躅固陋真鉗頸肯信抃鼈
傾猶疑夏蟲永玄津蕩瓊壘紫永啼金鼎盡出水
霜書期君一披省

入林屋洞

知名十小天林屋當第九

人間三十六洞天知名者十爾餘二十六天出

九微志未行於世

題之爲左神理之以天后

林屋洞爲左神幽虛之天

卽天后真君之便闕

魁堆一作

辟邪輩左右專備守自非方

瞳人不敢窺洞口唯君好奇士復嘯忘情友致傘

在風林低冠入雲竇中深劇苔井傍坎纔藥白石
角忽支頤藤根時束肘初爲大幽怖漸見微明誘
屹若造靈封森如達仙藪嘗聞白芝秀狀與琅花
偶又坐紫泉光茸如酌天酒白芝紫泉皆此洞所出乃神仙之飲餌非常人所
能得何人能拒嚼餌以代漿糗却笑探五符徒
勞步雙斗真君不可見焚盥空遲久眷戀玉碣文
行行但迴首

雨中遊包山精舍

包山信神仙主者上真職及棲鐘梵侶又是清涼
域乃知煙霞地絕俗無不得巖開一逕分柏擁深

殿黑僧閒若圖畫像古非雕刻海客施明珠湘縈

料

平聲

淨食有魚皆玉尾有鳥盡金臆手攜鞞鐸佳

唐言楊枝

若在中印國千峰殘雨過萬籟清且極此時

空寂心可以遺智識知君戰未勝尚倚功名力却

下聽經徒

生公有聽經石

孤帆有行色

毛公壇

古有韓終道授之劉先生身如碧鳳皇羽翼披輕
輕先生盛驅役臣伏甲與下勢可倒五嶽不唯鞭
群靈飄飄駕翔螭白日朝太清空遺古壇在稠疊
煙蘿屏遠懷步罡列宿森然明四角鎮露獸三

層差羽嬰迴眸眄七炁運足馳疎星象外眞旣感
區中道俄成邇來向千祀雲嶠空崢嶸石上橘花
落石根瑤草青時時白鹿下此外無人行我訪岑
寂境自言齋戒精如今君安死字君安魂魄猶羶腥
有笈皆綠字有芝皆紫莖相將望瀛島浩蕩凌滄
溟

三宿神景宮

靈蹤未徧尋不覺谿色暝迴頭問棲所稍下杉蘿
逕巖居更幽絕澗戶相隱映過此卽神宮虛堂愜
雲性四軒盡疎達一榻何清零去聲髣髴聞玉笙敲

鏗動涼磬風凝古松粒露壓修荷柄萬籟既無聲
澄明但心聽希微辨真語若授虛皇命尺宅按來
平華池漱餘淨頻窺宿羽麗三吸晨霞盛豈獨冷
衣襟便堪遺造請徒深物外趣未脫塵中病舉首
謝靈峰徜徉事歸榜

以毛公泉獻大諫清河公

先生鍊飛精羽化成翩翩荒壇與古甕隱軫清冷
存四面蹙山骨中心含月魂除非紫水脉卽是金
沙源香實灑桂蘂甘惟漬雲根向來探幽人酌罷
祛蒙昏况公珪璋質近處諫諍垣又聞虛靜安早

挂冰雪痕若對瑤華味重獻蘭薰言當應滌煩暑
朗詠翬飛軒我顧得一掬攀天叫重閭霏霏散爲
雨用以移焦原

縹緲峰

左右皆跳岑孤峰挺然起因思縹緲稱乃在虛無
裏清晨躋磴道便是尋顏始據石卽更歌遇泉還
徙倚花奇忽如薦樹曲潭成几樂靜煙靄知忘機
猿狖喜頻攀峻過斗未造平如砥舉首闔青冥迴
眸聊下眎高帆大於鳥廣墀徒且反纔類蟻就此微
茫中爭先未嘗已葛洪話剛氣去地四千里苟能

乘之遊止若道路耳吾將自峯頂便可朝帝展盡
欲活羣生不唯私一已起騎明月餘復弄華星藥
却下蓬萊巔重窺清淺水身爲大塊客自號天隨
子他日向華陽敲雲問名氏

桃花塢

行行問絕境貴與名相親空經桃花塢不見秦時
人願此爲東風吹起枝上春願此作流水潛浮藥
中塵願此爲好鳥得棲花際隣願此作幽蝶得隨
花下賓朝爲照花日暮作涵花津試爲探花士作
此偷桃臣桃源不我棄庶可全天真

明月灣

昔聞明月觀

在建業故臺城

祗傷荒野基今逢明月灣不

值三五時擇此二明月洞庭最看奇連山忽中斷

遠樹分毫澄周迴二十里一片澄風漪見說秋半

夜淨無雲物欺兼之星斗藏獨有神仙期初聞鏘

鏘跳

姚音

積漸調參差空中卓羽衛波上停龍螭縱

舞玉煙節高歌碧霜詞清光悄不動萬象寒咿咿

此會非俗致無由得旁窺但當乘扁舟酒甕仍相

隨或徹三弄笛或成數聯詩自然瑩心骨何用神

仙爲

練瀆

一云吳王
開以練兵

越恃君子衆大將壓全吳

越有私卒君
子六千人

吳將孤天

澤以練舟師徒一鏡止千里支流忽然迂蒼奩束
洪波坐似馮夷軀戰艦百萬輩浮宮三十餘平川
盛丁寧絕島分儲胥鳳押半鶴膝錦杠雜肥胡香
煙與殺氣浩浩隨風驅彈射盡高鳥杯觥醉潛魚
山靈恐見鞭水府愁爲墟兵利德日削反爲讎國
屠至今鉤鏃殘尚與泥沙俱照此月倍苦來茲煙
亦孤丁魂尚有淚合灑青楓枯

投龍潭

名山潭洞中自古多祕邃君將接神物聊用申祀
事鎔金象牙角尺木無不備亦旣奉真官因之徇
前志持來展明詒敬以投嘉瑞鱗光煥水容日色
燒山翠吾皇病秦漢豈獨探怪異所貴風雨時民
皆受其賜良田爲巨浸汚澤成赤地掌職一不行
精靈又何寄唯貪血食飽但據驪珠睡何必費黃
金年年授星使

孤園寺

浮屠從西來事者極梁武巖幽與水曲結構無遺
土窮山林榦盡竭海珠璣聚况卽侍從臣敢愛煙

波塢幃條玉龍扣殿角金虬舞釋子厭樓臺生入
露風雨今來四百載像設藏雲浦輕鵲亂馴鷗鳴
鐘和朝曉庭蕉裂旗旆野蔓差纓組石上解空人
窗前聽經虎林虛葉如織水淨沙堪數徧問得中
天歸修釋迦譜

上真觀

嘗聞昇三清真有上中下官居乘佩服一一自相
亞霄裙或霞縈侍女忽玉妃坐進金碧腴去馳騰
歟駕今來上真觀恍若心靈訝祗恐暫神遊又疑
新羽化風餘撼朱草雲破生瑤榭望極覺波平行

虛信煙藉開開飛龜帙靜倚宿鳳架俗狀旣能遺
塵冠聊以卸人間方大火此境無朱夏松蓋蔭日
車泉神拖天罅窮幽不知倦復息芝園舍鐙珮引
涼姿焚香禮遙夜無情走聲利有志依閒暇何處
好迎僧希將石樓借

消夏灣

霞島嶠難泊雲峰奇未收蕭條千里灣獨自清如
秋古岸過新雨高蘿蔭橫流遙風吹葦葭折處鳴
颼颼昔予守圭竇過於回祿因甘爲籋箇徒梁簡
蕭之分作祗稠雛低司二音願狎寒水怪不封朱
具名

轂侯豈知煙浪涯坐可思重裘健若數尺鯉泛然
雙白鷗不識號火井孰問名焦丘我真魚鳥家盡
室營扁舟遺名復避世消夏還消憂

包山祠

靜境林麓好古祠煙靄濃自非通靈才敢陟群仙
峰百里波浪沓中堂簫鼓重真君具瓊壘芳艸來
相從清露濯巢鳥陰雲生晝龍風飄橘柚香日動
旛蓋容將命禮且潔所祈年不凶終當以疏聞特
用諸侯封

聖姑廟

卷五
渺渺洞庭水盈盈芳嶼神因知古佳麗不獨湘夫人
流蘇蕩遙吹斜領生輕塵蜀綵駿霞碎吳綃盤
霧句可憐飛鷺姿合是乘鸞賓坐想煙雨夕兼知
花草春空登油壁車窈窕誰相親好贈玉條脫堪
攜紫綸巾殷勤撥香池重薦汀洲蘋明朝動蘭楫
不翅星河津

太湖石

他山豈無石厥狀皆可薦端然遇良工坐使天質
變或裁基棟宇礪砢成廣殿或剖出溫瑜精光具
華與或將破仇敵百礮資苦戰或用鏡功名萬古

如會面今之洞庭者一以非此選槎牙真不材反
作天下彥所奇者嵌崟所尚者蔥蒨旁穿參洞穴
內竅均環鉏刻削九琳窗玲瓏五明扇新雕碧霞
段旋剖秋天片無力置池塘臨風只流盼

崦裏

山橫路若絕轉櫟逢平川川中水木幽高下兼良
田溝塍墮微溜桑柘含蹊煙處處倚蠶箔家家下
漁筌駭犢卧新菰野禽爭折蓮試招搔首翁共語
殘陽邊今來九州內未得皆恬然賊陣始吉語狂
波又凶年吾翁欲何道守此常安眠笑我掉頭去

蘆中聞刺船余知隱地術可以齊真仙終當從之
游庶復全於天

石板

一片倒山屏何時隙洞門屹然空閣中萬古波濤
痕我意上帝命持來壓泉源恐爲庚辰官囚怪力
所掀又疑廣袤次零落潛驚奔不然遭霹靂強半
沉無暇如何造化首便截秋雲根往事不足問奇
蹤安可論吾今病煩暑據簟常昏昏欲從石公乞
石板在石瑩理平如瑤前後植桂檜東西置琴樽
公山前
盡攜天壤徒浩唱羲皇言

奉和襲美酬前進士崔璐盛製見寄因贈

孔聖鑄顏事垂之千載餘其間王道乖化作荆榛
墟天必授賢哲爲時攷翦除軻雄骨已朽百氏徒
趲起近者韓文公首爲開闢鋤夫子又繼起陰靈
終廓如搜得萬古遺裁成十編書南山盛雲雨東
序堆瓊瑤偶此真籍客悠揚兩情攄清詞忽窈窕
雅韻何虛徐唱旣野芳坼詠還天籟踈輕波掠翡
翠曉露披芙蕖儷曲信寡和末流難嗣初空持一
竿餌有意獻鯨魚

奉和襲美二遊詩

徐詩

嘗聞四書曰經史子集焉苟非天祿中此事無由
全自從秦火來歷代逢迤邐漢祖入關日蕭何爲
政年盡力取圖籍遂持天下權中興熹平時教化
還相宣立石刻五經置于太學前賊莽亂王室君
臣如轉圜洛陽且煨燼載籍宜爲煙逮晉武革命
生民纔息肩惠懷亟寡昧戎羯俄腥羶已覺天地
閉競爲東南遷日旣不暇給墳索何由專爾後國
脆弱人多尚虛玄任學者得謗清言者爲賢直至
沈范輩

沈約范雲皆
藏書數萬卷

始家藏簡編御府有不足仍

令就之傳梁元涪宮日盡取如蜺蜃兵威忽破碎

焚蕪無遺篇近者隋後主搜羅勢駢闐寶函耿玉

軸彩翠明霞鮮伊唐受命初載史聲連延砥柱不

我助驚波湧淪漣遂令因去一作書半在餘浮泉

貞觀購亡逸蓬瀛漸周旋晃然東壁光與月爭流

天偉矣開元中王道真平平八萬五千卷一一皆

塗鈐開元麗正
樓書錄

人間盛傳寫海內奔窮研目云西

齋書有過東臯田吾聞徐氏子奕世皆才賢因知

遺孫謀不在黃金錢插架幾萬軸森森若戈鋌風

吹籤牌聲滿室鏗鏘然佳哉鹿門子好問如除瘡

條來參卿處遂得參卿憐開懷展樹麓惟在性所
便素業已干仞今爲峻雲巔雄才舊百派相近浮
口川君抱王佐圖縱步凌陶甄他時若報德誰在
參卿先

任詩

吳之辟疆園在昔勝槩敞前開富修竹後說紛怪

石

竟陵子陸羽疏月出云辟疆舊林間怪石紛相向

風煙慘無主載祀將

六百草色與行人誰能問遺跡不知清景在盡付
任君宅却是五湖光偷來傍簷隙出門向城路車
馬聲踴躍入門望亭隈水木氣岑寂攀牆繞曲岸

勢似行無極十步一危梁乍疑當絕壁池容澹而
古樹意蒼然僻魚驚尾半紅鳥下衣全碧斜來島
嶼隱恍若瀟湘隔雨靜挂殘絲煙消有餘脉竭來
任公子擺落名利役雖將祿代耕頗愛巾隨策秋
籠支遁鶴夜榻戴顓客說史足爲師譚禪差作伯
君多鹿門思到此情使適偶蔭桂堪帷縱吟苔可
席顧余眞任誕雅遂中心獲但喜醉還醒豈知玄
尚白甘閒在雞口不貴封龍額卽此自怡神何勞
謝公屐

戊籤七十三陸龜蒙之四

唐音統籤卷

六百九十五

五言古詩四

讀陰符經寄鹿門子

清晨整冠坐朗詠三百言
備識天地意獻詞化乾
坤何事不隱德降靈生軒轅
口銜造化斧鑿破機
關門五賊忽迸逸萬物爭崩奔
虛施神仙要莫救
華池源但學戰勝術相高甲兵屯
龍蛇競起陸鬪
血浮中原成湯與周武反覆更爲尊
下及秦漢得
傳一作黷弄兵亦煩
姦強自林據仁弱無枝躡
狂喉恣吞噬逆翼爭飛翻
家家伺天發不肯匡淫昏
生

民墜塗炭比屋爲寇魂祇爲讀此書大樸難久存
微臣與軒轅亦是萬世孫未能窮意義豈敢求瑕
痕曾亦愛兩句可與賢達論生者歾之根歾者生
之根方寸了十字萬化皆豚羶身外更何事眼前
徒自喧黃河但東注不見歸崑崙晝短苦夜永勸
君傾一樽

漁具詩

并序

天隨子嚴于海山之類有年矣矢漁之具莫不
窮極其趣大凡結繩持網者總謂之網罟網罟
之流曰底曰層曰累圓而縱捨口單快而昇降
曰揭緝而竿者總謂之筌筌之流曰箬曰筒曰車橫
川曰梁承虛曰笱編而流之曰簞矛而卓之曰
稻棘而中之曰叉鋏而綸之曰射扣而喉之曰

振置而守之曰神列竹于海濱曰滬錯薪于水
中曰篠所載之舟曰舳舻所貯之器曰簞簪其
他或術以招之或藥而盡之皆出于詩書雜傳
及今之間是可考而驗之不誣也今擇其任詠
者作十五題以諷懲矢魚之具也如此余既歌
之矣矢民之具也如彼誰其嗣之鹿門子有高
麗之才必爲我同作○蜀字書作閩女滅切稽
不也桓者以薄板置瓦罷上擊之以驅魚鯉魚
滿三百六十歲蛟龍輒率而飛去年置一神
守之則不能去矣神鼈也滬吳之滬瀆是也

網

大罟網目繁空江波浪黑沈沈到波底恰共波同
色牽時萬罟人已有千鈞力尚悔不橫流恐他人
更得

罩

左手揭圓鼠輕撓弄舟子不知潛鱗處但去籠烟

水時穿紫屏

一作津

破忽值朱衣起

松江有朱衣鮒

貴得不

貴名敢論魴與鯉

因

女減切韻字書作閬寫

有意烹小鮮乘流駐孤棹雖然煩取捨未肯求津

要多爲蝦蟇誤已分鴉鵲笑寄語龍伯人荒唐不

同調

釣筒

短短截筠光悠悠臥江色蓬差艣相應雨慢煙交
纖須臾中芳餌迅疾如飛翼彼竭我還浮君看不

爭得

釣車

溪上持雙輪溪邊指茅屋閒乘風水便敢議朱丹
轂高多倚衡懼下有折軸速曷若載逍遙歸來卧
雲族

魚梁

能編似雲薄橫絕青川口缺處欲隨波波中先置
筍投身入籠檻自古難飛走盡日水濱吟殷勤謝
漁叟

叉魚

春溪正含綠良夜才參半持矛若羽輕列燭如星
爛傷鱗跳密藻碎首沉遙岸蠹族染東流傍人作
佳翫

射魚

彎弓注碧潯掉尾行涼汀青楓下晚照正在澄明
裏桴弦斷荷扇濺血殷菱藻若使禽荒開移之暴
煙水

鳴榔

水淺藻荇澁釣罩無所及鏗如木鐸音勢若金鉦
急敲之就深處用以資俯拾搜羅爾甚微遁去將

何入

滬

吳人今謂之斷

萬植禦洪波森然倒林薄千巖咽雲上過半隨潮
落其間風信背更值雷聲惡天道亦哀多吾將移
海若

簪

吳人今謂之叢

斬木置水中枝條互相蔽寒魚避家此自以爲生
計春冰忽融冶盡取無遺音所成禍機臨川一
凝睇

種魚

層層綺錦
鑿池收頰鱗疎疎置雲嶺遠同汗漫遊遂以江湖
處如非一神守潛被蛟龍王蛟龍若無道跋鼈亦
可禦

藥魚

香餌綴金鉤目中懸者幾盈川是毒流細大同時
死不惟空飼犬便可將貽蟻苟負竭澤心其他盡
如此

胙艚

篷棹兩三事天然相與閒朝隨稚子去暮唱菱歌
還倚石遲後侶徐橈供遠山君看萬斛載沈溺須

史間

簞簞

誰謂簞簞小我謂簞簞大盛魚自足飡寔璧能爲
害時將刷蘋浪又取懸藤帶不及腰上金何勞問
著蔡

和襲美添漁具五篇

漁庵

結茅次煙水用以資嘯傲豈謂釣家流忽同禪室
號閒憑山叟占晚有溪禽嫫華屋莫相非各隨吾
所好

釣磯

揀得白雲根秋潮未曾沒坡陁坐鼈背散漫垂龍
髮持竿從掩霧置酒復待月卽此放神情何勞適
吳越

蓑衣

山前度微雨不廢小澗漁上有青襖襖下有新
踞疎滴瀝珠影泫離披嵐彩虛君看杖製者不得安
吾廬

簞笠

朝携下楓浦晚戴出烟艇冒雪或平簷聽泉時仄

頂颺移靄然色波亂危如影不識九衢塵終年居
下河

背篷

斂手劈江筠隨身織烟縠沙禽固不知釣伴猶初
覺閒從翠微拂靜唱滄浪濯見說方山潭漁童盡
能學

樵人十詠

并序

環中先生謂天隨子曰子與鹿門子應和爲漁
具詩信盡其道而美矣世言樵漁者必聯其命
稱且常與隱君子事詩之言錯詩禮之言負薪
傳之言積薪史之言束薪非樵者之實乎可不
足以寄興詠獨闕其詞耶退作
十樵以補其闕漏寄鹿門子

樵谿

山高谿且深蒼蒼但群木抽條欲千尺衆亦疑樸
樛一朝蒙剪伐萬古辭林麓若遇燎玄穹微烟出
雲族

樵家

草木黃落時比隣見相喜門當清澗盡屋在寒雲
裏山棚日纔下野竈煙初起所謂順天民唐堯亦
如此

樵叟

自小卽胼胝至今凋鬢髮所圖山褐厚所愛山爐

熱不知冠蓋好但信烟霞活富貴如疾顛吾從老
巖穴

樵子

生在蒼崖邊能諳白雲養

去聲山家謂養柴地爲養

纔穿遠林

去已在孤峰上薪和野花束步帶山詞唱日暮不
歸來柴扉有人望

樵逕

石脉青靄間行行自幽絕
慈山燎嬈更值雲遮
截爭推好林浪共約歸時節不似名利途相期覆
車轍

樵斧

淬礪秋水清攜持遠山曙丁丁在前澗杳杳無尋
處巢傾鳥猶在樹盡猿方去授鉞者何人吾今易
其慮

樵檐

輕無斗儲價重則筋力絕欲下半巖時憂襟兩如
結風高勢還却雪厚疑中折負荷誠獨難移之贈
來哲

樵風

朝隨早潮去暮帶殘陽返向背得清飈相追無近

遠採山一何遲服道常苦寒仙得信能爲年華未
將晚

樵火

積雪抱松塲蠹根燃草堂深爐與遠燒此夜仍交
光或似坐奇獸或如焚異香堪嗟宦遊子凍死道
路傍

樵歌

縱調爲野吟徐徐下雲磴因知負樵樂不減援琴
興出林方自轉隔水猶相應但取天壤情何求郢
人稱

和襲美酒中十詠

酒星

萬古醇酎氣結而成晶
爰降爲嵇阮徒動與樽罍
并不獨祭天廟亦應邀客星
何當八月槎載我遊青冥

酒泉

初懸碧崖口漸注青谿腹
味旣敵中山飲寧拘一斛
春疑浸花骨暮若酣雲族
此地得封侯終身持美祿

酒筇

山齋醞方熟野童編近成特來歡伯內坐使賢人
清不待盞中滿旋供花下傾注注口可挹未羨黃
金籬

酒牀

六尺樣何奇溪邊濯來潔槽深貯方半石重流還
咽閑移秋病可偶聽寒夢缺往往枕眠時自疑陶
靖節

酒壚

錦里多佳人當壚自沽酒高低過反坫大小隨圓
甌數錢紅燭下滌羅春江口若得奉君歡十千求

一斗

酒樓

百尺江上起東風吹酒香行人落帆上遠樹涵殘
陽凝睇復凝睇一觴還一觴須知凭欄客不醉難
爲腸

酒旗

搖搖倚青岸遠蕩遊人思風歆翠竹在雨澹香醪
字纔來隔烟見已覺臨江遲大旆非不榮其如有
主事

酒樽

黃金卽爲侈白石又太拙斲得奇樹根中如老蛟
穴時招山下叟共酌林間月盡醉兩忘言誰能作
天舌

酒城

何代驅生靈築之爲釀地殊無甲兵守但有糟漿
氣雉堞圯如狂女墻低似醉必若據而爭先登儀
狄氏

酒鄉

誰知此中路暗出虛無際廣莫是隣封華胥爲附
麗三杯聞古樂伯雅逢遺裔自爾等榮枯何勞問

玄弟

添酒中六詠

并序

鹿門子示余酒中十詠物古而詞麗旨高而性真可謂窮天人之際矣余既和而且曰昔人之於酒有注爲池而飲之者象爲龍而吐之者親盜甕間而醉者將實舟中而浮者可謂四荒矣徐景山有酒鎔嵇叔夜有酒杯皆傳于後代可謂二高矣四荒不得不刺二高不得不頌更作六章附于末云

酒池

萬斛輸由沼千鍾未爲多殘霞入醞齊遠岸澄白
鄧后土亦沈醉姦臣空浩歌邇來荒淫君尚得乘
餘波

酒龍

銅雀羽儀麗金龍光彩奇潛傾鄴宮酒忽似商庭
藜若怒鱗甲赤如酣頭角垂君臣坐相滅安用驕
奢爲

酒甕

候煖麴蘖調覆深苔蓋淨溢處每淋漓沈來還想
澄嘗聞清涼耐可養希夷性盜飲以爲名得非君
子病

酒船

昔人性何誕欲載無窮酒波上信浮身風來卽開

口荒唐意難遂沈酒名不爲子古如比肩問君能
繼否

酒鎗

景山實名士所翫垂清廢嘗作酒家語自言中聖
人奇器質含古挫糟味應醇唯懷魏公子卽此飛
觴頻

酒杯

叔夜傲天壤不將琴酒疎製爲酒中物恐是琴之
餘一弄廣陵散又裁絕交書頽然擲林下身世俱
何如

和襲美茶具十詠

茶塢

茗地曲隈回野行多繚繞向陽就中客
少遙盤雲曄慢亂簇香篝小何處好幽
露曉

茶人

天賦識靈草自然鍾野姿園來非山下
期雨後探芳去雲關幽路危唯應報春
人知顧渚山有報春鳥

茶筍

所孕和氣深時抽玉茗短轆煙銷結華嫩葉初成
管尋來青靄曙纖去紅雲暖秀色自難逢傾筐不
曾滿

茶籬

金刀劈翠筠織似波紋斜製作白野老攜持伴山
娃昨日鬪煙粒今朝貯綠華爭歌調笑曲日暮方
還家

茶舍

旋取山上材架爲山下屋門因水勢斜壁任巖隈
曲朝隨鳥俱散暮與雲同宿不憚採掇勞祇憂官

未足

茶竈

經云茶竈無突

無突抱輕嵐有煙映初旭
盈鍋玉泉沸滿甌雲牙
熟奇香襲春桂嫩色淩秋菊
煬者若吾徒年年看
不足

茶焙

左右擣凝膏朝昏布煙縷
方圓隨樣拍次第依層
取山謠縱高下火候還文武
見說焙前人時時炙
花脯

紫花焙人
以花爲脯

茶鼎

新泉氣味良古鐵形狀醜那人雪夜更值煙霞

夜曾過賴石亭又住清溪南出茶處且共薦

臯盧茶名何勞傾斗酒

茶醜

昔人謝壩堤徒爲妍詞謝壩堤啓豈如珪璧

姿又有煙嵐色光參筠席上韻雅金罍側直使于

閨君從來未嘗識

煮茶

閒來松間坐看煮松上雪時于浪花裏併下藍英
未傾餘精爽健忽似氛埃滅不合別觀書但宜窺

玉杵

追和清遠道士詩次韻

事詳皮日休集

一代先後賢聲容劇河漢
迺茲邁古士復歷蒼崖
窳辰經幾十萬邈與靈壽
翫海嶽尚推移都鄙固
蕪漫羸僧下高閣獨鳥沒
遠岸嘯初風雨來吟餘
鐘唄亂如何鍊精魄萬祀
忽欲半寧爲斷臂憂肯
作秋拍散吾聞鄩宮內日
月自昏旦左右修文郎
縱橫灑篇翰斯人久冥漠
得不垂慨歎庶或有神
交相從重興讚

補沈恭子詩

集序

兼清遠道士詩題中有沈恭子同遊既爲神怪
之傳得非姓氏蓋爲恭子若趙宣子韓獻子之
類耶恭子美詞也而詩中有風流詞翰之稱豈
獨唱而不知者歟疑闕其文以爲恭子之恨乃
作一章存于編中
亦補亡之義也

靈質貫軒吳超年越商周自然失遠裔安得怨寡
傳我亦小國胤易名懸見優雖非放曠懷雅奉道
遙遊攜手桂枝下屬詞山之幽風雨一以過林麓
颯然秋落日倚石壁天寒登古丘荒泉已無多敗
葉翳不流亂壑缺月隱衰紅清露愁覽物性未適
反爲情所囚異才偶絕境佳藻窮冥搜虛傾寂寞
育敢作雜珮調

次幽獨君韻二首

落日送萬古秋聲
含七哀枯株不蕭瑟
枝幹虛崔嵬
伊昔臨大道歌鍾醉
高臺高臺今已平
祇有春風迴明月
白草死積陰荒
隴摧聖賢亦如此
慟絕真悠哉

靈氣獨不死
尚能成綺文
如何孤窳裏
猶自讀三墳

庚籤七十三陸龜蒙之五

唐音統籤卷

六百九十六

七言古詩

置酒行

落塵花片排香痕
闌珊醉露栖愁魂
洞庭波色惜不得
東風領入黃金罇
千筠擲毫春譜大
碧舞紅啼相唱和
安知寂寞西海頭
青篴未垂孤鳳餓

句曲山朝真詞二首

并序

歲三月十八日句曲山道士朝真于大茅峰上
學神仙有至自千萬里者余距華陽大程止信
宿摩約不能遂去馳神且旦忽若戴昇
矣因作朝真詞迎送各一解以自塞意

九華磬答寒泉急
十絕幡搖翠微濕
司命旂旌未

下來焚香抱簡凝神立殘星下漏寬襟冷缺月纔
分鶴輪影空洞靈章發一聲春來萬壑煙花醒右迎

紫雲鳳髻飄然解玉鉸玄十儼先邁朝真弟子悄
無言再拜碧杯添沆瀣火鈴跳躍龍毛蓋腦髮青
青綴綵綵萬象銷沈一瞬間空餘月外聞殘珮右送真

五歌 并序

古者歌詠言詩云我歌且謠傳曰勞者願歌其
事吾言之拙艱不足稱詠且謠而歌其事者非
吾而誰作五
歌以自釋意

放牛

江草秋窮似秋半十角吳牛放江岸
隣肩抵尾乍依隈橫去斜奔忽分散
荒陂斷壑無端入背上時時孤鳥立
日暮相將帶雨歸田家煙火微茫濕

水鳥

水鳥山禽雖異名天工各與雙翅翎
雖巢吞啄卽一例游處高卑殊不停
則一作別有觜鉞爪戟勁立

直眦者擊搏挽裂圖羶腥如此等色
恣豪橫聳身往往凌青冥爲人羅絆
取材力韋韝綵綬懸金鈴三驅不以
鳥捕鳥天下先得聞諸經超然可繼義

勇後恰似有志行天刑鷗閒鶴散兩自遂意思不
受人丁寧今朝權倚寒江汀春鉏翡翠參鳩鵲孤
翹側睨瞥滅沒未是卽肯馴簷楹婦女衣襟便佞
舌始得金籠日提挈精神卓犖背人飛冷抱蒹葭
宿煙月我與時情太乖刺祇是江禽有毛髮慙慙
謝汝莫相猜歸來長短同羣活

刈穫

自春徂秋天弗雨靡靡旱稻纔遮畝芒粒稀疏熟
更輕地與禾頭不相挂我來愁築心如堵更聽農
夫夜深語凶年是物卽爲災百陣野鳧千穴鼠平

明抱杖入田中十穗蕭然九穗空敢言一歲困倉
實不了如今朝暮春天職誰司下民籍苟有區區
宜拚析本作耕耘意若何重豸兼教食人食古者
爲邦須蓄積魯饑尚責如齊糴今之爲政異當時
一任流離恣徵索平生幸過華陽客向日食霞轉
肥白欲賣耕牛棄水田移家直傍三茅宅

雨夜

屋小茅乾雨聲大自疑身著蓑衣臥兼似孤舟小
泊時風吹折葦來相佐我有熱襟無可那纔成好
夢剛驚破背壁殘燈不及螢聖挑却向燈前坐

食魚

江南春早魚無澤歲晏未曾腥
問爾今朝有客賣鱸鮓手提見我長
于尺呼兒春取紅蓮米輕重相
當加十倍且作吳羹助早食
飽臥晴簷曝寒背橫戈負羽正
紛紛祇用驍雄不用文爭如曉
夕謳吟樣好伴滄洲白鳥羣

鶴媒歌

偶繫漁舟汀樹枝因看射鳥令人悲
盤空野鶴忽然下背翳見媒心不疑
媒聞靜立如無事清唳時時入遙吹
徘徊未忍過南塘且應同聲就

一作同與

類梳翎宛若相逢喜祇怕繼來又驚起窺鱗啄藻

乍低昂立一作定當習流一矢媒懽舞躍勢離披

似詔功能習弩兒雲飛水宿各自物如侶害羣猶

爾爲而况世間有名利外頭笑語中猜忌君不見

荒陂野鶴陷良媒同類同聲真可畏

慶封宅古井行并序

春秋左氏傳云襄二十八年齊慶封亂而來奔既而齊人來讓奔吳吳句餘與之朱方聚族而居之富下其舊後七年齊人使庸中圍朱方執慶封而盡滅其族按圖經濶之城南一里則封所居之地訥諸故老井尚存焉因覽其遺甃故歌之以志其惡

古甃團團蘚花碧鼎沸寒泉深百尺江南戴白盡

能言此地曾爲慶封宅慶封嗜酒荒齊政齊人剪
族封奔迸雖過魯國羞魯儒欲弄吳民竊吳柄吳
分巖邑號朱方子家負固心彊梁澤車豪馬馳似
水錦鳳玉龍森若墻一朝雲夢開兵至胥陷鋒鏑
腦塗地因知富德不富財顏氏簞瓢有深意宣父
嘗違盜泉水懦夫立事貪夫止今歌此并示吳人
斷綆沉餅自茲始

長短句

吳俞兒舞歌

枝月喉棹霜脊北斗離離在寒碧龍魂清虎尾白

秋照海心同一色
纛影吒沙千影側
神豪髮直四
睨之人股估栗
欲定不定定不得
春牘殘兒且止
狄胡有膽大如山
怖亦死

劍俞

手盤風頭背分電
光戰扇欲刺敲
心留半綫纏肩
繞脰襜合眩旋
卓植赴列奪避
中節前衝函禮
亢
上指字彗滅與
君一用來有截

矛俞

牛來開弦人爲置
鏃振機關逆山
谷鹿駭灑隼擊
遲析毫中睫洞
腋分龜達堅壘
殘雄師可以冠
猛
樂挫曲抑揚蹈
厲有裂犀兕之
氣者非公與

弩俞

江湖散人歌

并傳

散人者散誕之人也。心散意散，形散神散，既無羈限，爲時之怪民。束于羈者，外之曰此散人也。散人不知耻，乃從面，笑之。人或笑曰：彼病子之散，而目之乎？反以爲其笑，何也？散人曰：天地大者，也在太虛中一物耳。勞乎覆載，勞乎運行，差之晷度，寒暑錯亂，榮枯須之，散其可得耶？水土之散，皆有用于水之散，爲雨爲露，爲霜雪，水之局爲瀕，爲淵，爲潢，汙土之散，封之可崇，穴之可深，生可以藝，死可以入土之局，填不可以爲堦，譬不可以爲臺，得非散能通于變化局，不能耶？退若不散，守名之荼，進若不散，執時之權，豈可守耶？權可執耶？遂爲散歌，散傳以志其散。

江湖散人天骨奇，短髮搔來蓬半垂。手提孤篋曳寒繭，口誦太古滄浪詞。詞云：太古萬萬古，民性甚野，無風期夜棲，止與禽獸雜。獨自構架縱橫，棲因而稱曰：有巢氏，民共敬貴如君師。當時只效烏鵲。

輩豈是有意陳尊卑無端後聖穿鑿破一派前導
千流隨多方惱亂元氣死日使文字生姦欺聖人
事業轉銷耗尚有漁者存熙熙風波不獨困一士
凡百器具皆能施足踈滄腐鱸鰕脫上失檢馭無
讒疵人間所謂好男子我見婦女留鬚眉奴顏婢
膝真乞丐反以正直爲狂癡所以頭欲散不散弁
戔巍所以腰欲散不散珮陸離行散任之適坐散
從傾欹語散空谷應笑散春雲披衣散單復便食
散酸醎宜書散渾真草酒散甘醇醕屋散勢斜直
樹散行參差客散忘簪屨禽散虛籠池物外一以

散中心散何疑不共諸侯分邑里不與天子專隍
陴靜則守桑柘亂則逃妻兒金鑣貝帶未嘗識白
刃殺我窮生爲或聞藩將負恩澤號令鐵馬如風
馳大君年小丞相少當軸自請都旌旗神鋒悉出
羽林仗續畫日月蟠龍螭太宗基業甚牢固小醜
背叛當殲夷禁軍近自肅宗置抑遏輔國爭雄雌
必然大段剪兇逆須召勁勇扶軍麾四方賊壘猶
占地歟者暴骨生寒饑歸來輒擬荷鋤笠詎吏已
責租錢遲興師十萬一日費不啻千金何以支抵
今利口且箕歛何暇俛首哀惻嫠均荒補敗豈無

術布在方冊擇顏戲永霜襦袴易反掌白面諸郎
殊不知江湖散人悲古道悠悠幸寄義皇傲官家
未議活蒼生拜賜江湖散人號

丁隱君歌 并序

隱君姓丁氏字翰之齊陽人也名飛舉讀老子
莊周書善養生能鼓琴居錢塘龍泓洞之左右
或曰憇館耳別業在深山中非得行不可適
到其下畜妻子事耕桑如常人余嘗南浮桐江
途而詣龍泓憇館見其結屋中布裘貌古而意澹
好古文樂聞歌詩見待如厚因曰他時願爲山
中僕丁笑而不應問之年曰七十二當咸通丙
午歲逮今十四年矣雷平道士葛參寥話與翰
之熟至今齒髮不衰氣力益壯疏繁導蒙灌漑
剗削皆自執耒斤斲蕘升高望遠不翅屨平
地時時書細字作文紀事皆有楷法意義夜半
山靜取琴彈之奏雅弄一二而已少睡寡言語

與人相接禮簡而情至周旋累年未嘗有罷倦之色不唯疾病也非養生之效歟又不見其有所服餌或問之對曰治心修身之外復有何物予始嘉其避世又聞其老而益精又悅其治心修身之說孔子所謂樂而壽者斯人也歟既樂而壽則仁智充乎其內者非有德者歟有德而不耀于世者非隱君子歟乃作丁隱君歌以壽其聲云

華陽道士南遊歸手中半卷青蘿衣自言逋客持贈我乃是錢塘丁翰之連江大抵多奇岫獨話君家最奇秀盤燒大竺春筍肥琴倚洞庭秋石瘦草堂暗引龍泓溜老樹根林若蹲獸霜濃果熟未容收徃徃兒童雜猿狖去歲猖狂有黃寇官軍解散無人鬪滿城奔逆翰之間只把枯松塞圭竇前度

相逢正賣文一錢不直虛云云今來利作採樵客
可以拋身麋鹿群丁隱君丁隱君叩頭且莫變名
氏卽日更尋丁隱君

水國

水國不堪早斯民生甚微直至葭莢少敢言魚蟹
肥我到荒村無食啗對案又非梁謝覽况是乾苗
結子疎歸時祇得藜羹糲

奉酬襲美苦雨見寄

松篁交加午陰黑別是江南煙靄國頑雲猛雨更
相欺聲似號號色如墨茅茨剝爛簷生衣夜夜化

爲螢火飛螢飛漸多屋漸薄一注愁霖當面落愁

霖愁霖爾何錯滅頂千余多所作旣不能賦似陳

思王又不能詩似謝康樂

曹有愁霖賦謝有愁霖詩

昔年嘗過

杜子美亦得高歌破印紙慣曾掀攪大筆多爲我

才情也如此高揖愁霖詞未已披文忽自皮夫子

哀絃怨柱合爲吟恠我窮棲蓬藿裏初悲濕翼何

由起末欲牋天叩天耳其如玉女正投壺笑電霏

霏作天喜我本曾無一稜

去聲

田平生嘯傲空漁船

有時赤脚弄明月踏破五湖光底天去歲王師東

下急輸兵聚盡民相泣伊余不戰不耕人敢怨烝

黎無糝粒不然受性圓如規千姿萬態分毫鼈唾
壺虎子盡能執舐痔折枝無所辭有頭強方心強
直撐柱頽風不量力自愛垂名野史中寧論抱困
荒城側唯君浩歎非庸人分衣輟飲來相親橫眠
木榻忘華薦對食露葵輕八珍欲窮玄鳳未白欲
懷仙鯨尚隔不如驅入醉鄉中只恐醉鄉田地窄
騷體

迎潮送潮辭

并序

余耕稼所在松江南旁田廬門外有溝通浦溆
而朝夕之潮至焉天弗雨則輒而留之用以滌
濯灌漑及物之功甚鉅其羸壯遲速繫望晦盈
虛也用之則順而進捨之則黜而退有類乎君

子之道翫而感之作迎潮送潮
二辭聊寄聲于騷人之末云

迎潮

江霜嚴兮楓葉丹潮聲高兮墟落寒鷗巢卑兮漁
箱短遠岸沒兮光爛爛潮之德兮無際既充其大
兮又充其細密幽人兮款柴門寂寞流連兮依稀
舊痕濡映澤槁兮潮之恩不尸其功兮歸于混元

送潮

潮西來兮又東下日染中流兮紅灑灑汀葭蒼兮
嶼蓼枯風騷牢兮愁煙孤大幾望兮微將晦翳睨
瀛溶兮歛然而退愛長波兮數數一幅巾兮無纓

可濯帆生塵兮懺有衣悵潮之還兮吾猶未歸

問吳宮辭

并序

甫里之鄉曰吳宮在長洲苑東南五十里非夫
差所幸之別館耶披圖籍不見其說詢故老不
得其地其名存其跡滅悵然
興懷古之思作問吳宮辭云

彼吳之宮兮江之那涯複道盤兮當高且斜波搖
疏兮霧濛箔菡萏國兮鴛鴦家鸞之簫兮蛟之瑟
駢筠參差兮界絲密讌曲房兮上初日月落星稀
兮歌酣未畢越山叢叢兮越溪疾美人雄劍兮相
先後出火姑蘇兮沼長洲此宮之麗人兮留乎不
留霜氛重兮孤榜曉遠樹扶蘇兮愁煙悄眇欲據

愁煙兮問故基又恐愁煙兮推白鳥

紫溪翁歌

紫溪翁過甫里先生舉酒相屬醉而歌曰一丘云云先生弁而噴之

曰採江云云

歌闕而去

一丘之木其栖深也屋吾容不辱一溪之石其居平也席吾勞以息一竇之泉其音清也絃吾方在懸得乎人得乎天吾不知所以然而然

採江之魚今朝船有鱸採江之蔬今暮筐有蒲左圖且書右琴與壺壽歟天歟貴歟賤歟

小雞山樵人歌

小雞山在胥門外光福之西龜蒙歲入薪五千束于其山

其供事之樵昨曰顧及乾符六年九月致薪二百五十責之曰何數廉而至晚得非

藉吾山爲汝之利耶
與之酒繼之以歌

長其船兮利其斧輪予薪兮勿予侮田予登兮穀
予庾突晨煙兮蓬縷縷窗有明兮編有古飽而安
兮惟編是伍時不用兮吾無汝撫

卷終